



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

კანდელაკი თეიმურაზ ელიზბარის ძე



თ. ე. კანდელაკი

კანდელაკი თეიმურაზ ელიზბარის ძე (დ. 19. VIII. 1941, თბილისი), სატყეო მეურნეობის ინჟინერი, ეკონომისტი. ეკონ. მეცნ. დოქტორი (1987), პროფესორი (1988), საქართვე. საინჟინრო აკად. ნამდვ. წევრი (2011). საქართვე. დამს. მეტყევე (2001), საქართვე. მეტყევეთა ასოციაციის პრეზიდენტი (2010). ადგილ. მერქნის შემცვლელი ნედლეულის სამრეწვ. გამოყენების ერთ-ერთი მკვლევარი. დაამთავრა საქართვე. სას.-სამ. ინ-ტის სატყეო-სამ. ფაკტი (1964). 1965-იდან მუშაობს საქართვე. სას.-სამ. ინ-ტში, იყო სამეცნ.-კვლ. სექტორის უფროსი (1974-83), სატყეო ეკონომიკის, ტექსტილისა და ხეცის დამზადების კათედრის გამგე (1983- 2006), რეორგანიზაციის შემდეგ – მეტყევეობის, ლანდშაფტური დაგეგმარებისა და სატყეო მენეჯმენტის დეპარტამენტის უფროსი (2006-07), საქართვე. აგრ. უნ-ტის სატყეო დეპარტამენტის უფროსი (2007-11), 2011-იდან ამავე დეპარტამენტის სრული პროფესორია. 1997-2001 იყო საქართვე. სატყეო მეურნეობის სახელმწ.

დეპარტამენტის თავ-რის მოადგილე. არის საქართვე. მეცნ. ეროვნ. აკადემიის საქართვე. მთიანეთის პრობლემების კომპლ. შესწავლის კომისიის წევრი (2011-იდან), საქართვე. პარლამენტის გარემოს დაცვისა და რესურსების კომიტეტის სამეცნ.-საკონსულტაციო საბჭოს წევრი (2013-იდან), რამდენიმე საერთაშ. ჟურნალის რედაქციის წევრი.

კ. მრავალი სამეცნ. ნაშრომის ავტორია, მ. შ. მონოგრაფიებისა და სახელმძღვანელოების გამოქვეყნებული აქვს შრომები სსრკ-სა და საზღვარგარეთის ქვეყნებში. მისი სამეცნ. შრომები ეხება ტყის რესურსების გამოყენების, სატყეო სექტორის ეკონომიკის, მენეჯმენტის, მარკეტინგისა და მერქნის შემცვლელი ნედლეულის სამრეწვ. ათვისების პრობლემებს. დაჯილდოებულია ღირსების ორდენით (1999).

თხზ.: საქართველოს მერქნული ენერგეტიკული რესურსების პოტენციალი და მისი ეფექტიანი გამოყენება, თბ., 2010; სატყეო მარკეტინგი (სახელმძღვანელო), თბ., 2010; Проблемы промышленного освоения местных ресурсов - заменителей древесного сырья, Тб., 1985; Forest Resources of Europe, CIS, North America, Australia, Japan and New Zealand. - UN-ECE/FAO Contribution to the Global Forest Resources Assessment 2000. Main Report, N. Y. - Geneva, 2000.

ლ. აბრამიშვილი
